

Léeh séréel ndút

Tééré 1



Proverbes sérère ndút

Livret 1

ADLN / Kiis ki Ndút

Mont Rolland, Thiès

Sénégal

Livret de proverbes

Livret 1

Textes :

Comité de littérature de l'Association pour le
Développement de la Langue Ndút

Illustrations

Misel Mbej

en langue ndút

Sénégal

Afrique de l'Ouest

Première Édition

2012

Kúnsëe

Léeh yin wun séréel në : di hom teeɓa' dee waɗti pesaa ow ra, yee waɗti paŋ ow a yee wakay rii paŋ ra.

Léeh homa' wonaɗ di wonaa séréel. Di teeɓa' ow nuf ñaañaa di homaɗ, pagaɗ, tíléd a wonaɗ di pesi bëe'. Léeh na won a baha, na won a këkëy.

Di filiɓ léeh, baha ya na teeɓu tunjka dee na tílúu mboko ra, dee na habrantuu ra, dee na tílúu kooy' ra. Léeh na won yii lenjke kood, légéy, gém Koo, fahanta'. Ow na húmú faha' won yin sah, yaa sampi sigoh raa, di mín ñee léeh, te bëewë ay yúh yee faha' rii won ɗa. Iñyaa daa tah baha ya na húmú naabu tunjka a léeh.

Kon yen beyaatun léeh yë hellu yen baha ya ra,
yen yúun tuŋka, bëewë béeb hen yínë, Ndút fí
kéy saañ fíi.

Gana Fay


Waay ndaje na gén ndaje

Iti fa : Ow na gap ndaje, di níbé dee
nay rii tíllée níí rí neɓ ra, ndaje ma ac
tílléeh ɗaaha.

Ii kékëy gapuu bílím filiɓ gin wa. Wa
wonu tih : « Yen ay gap bëewë béeb
bílimë. » Wa homute gina, tígí tíl wë
béeb wonuu ri, tígí took wa béeb gonluu
ri. Bëy gina béeb na wonu bílímí tunka :
« Bílimë ay neɓ ! Bílimë ay neɓ ! »

Gina béeb na waay níí yiin bílimë,
aanna laɓ waal yínë rek, waali ana fa
bacala hente hës ! Bëewë béeb paagute
talli wa, heguute. Lahte bahii won
tunka daa tih : « Waay ndaje na gén
ndaje. »

Faatu Siis



Ɓëewë becee kot yínë rëe, lah becee kot yínë ti wa nen

Iti fa : Yee na ðeef fu Ɓëewë page ri ra,
lah page ri ti wa nen.

Faatu kola' gin wa, saañce kooroh gin
kay. Aya' ri ra, ði homa' faami na
dúhéh étís. Ɓëy gina béeb na ðoobu ri.
Ɓëewë tee'ee këemë rëe ði na dúhéh.
Ɓëewë paye meeyi gina raa, ði na
payeh. Ɖi lahay kooy', lahay mboko.
Bis lahte, lasi béeb na kað kíi. Ɖi fon
fogo níi ow ayay hílbí. Ɖi daay'ce mëkë,
dúhté këemín naha' dímlë'. Ow tahay rii
na.

'Bahaa kolohte, hampe ya'a won di tih :
« Koy so', fu ac gin fu deef bëewë becee
kot yinë rëe, lah becee kot yinë ti wa
nen. »

Iwet Juuf



Tíleh waha na maaseeh luuyi pacooli

Iti fa : 'Bëy na tookeh faam déké' hool.

Këkëyë hómú gina kíilë ñíiñ fi faami na dobeh ri. Daa ri biti siba tíleh gaan, di na tookeh faam. 'Di tílë' tílëe faraah, di haal daa raa, dúh dín.

Yii nebi lah faam wa bééɓ, di na maaseeh. Faraah di deefa' iñi neɓɓa bééɓ dúm.

'Di hoolte iñi kah-kah ya bééɓ. 'Di deefa' loonna mírsú, gúmmë líhú. Daa ri biti ñamma a hanna bééɓ, di na maaseeh wa.

Mani yii baa daa tah baha won kíilë tih : « Tíleh waha na maaseeh luuyi pacooli. »



Kot mínéh kaa' kún, kaa' sílíl

Iti fa : Wonuu bëyí lahay légéy ní
wocce, anti kaa' pay meey.

Bee non tun̄ki ȳaallee leegi homuu biti
bëy paay teeraa rek, ðeef ri wuneh.
Këkëyí ȳaala kaa'te jañi ekol, kolohte
saañce Ndakaaru hompe na líy iip a
yoh iip kaa'te ac Ndút.

Tílé' rí ní ði mokke dín fë, olay yee na
saam ði ra, tun̄ka na ayu feedi
Maryaama, ði ñéerë'té a wa céppé
Ndút kan ! ði na haal faam, tun̄ka na
mëkëyú téebílëhí ndah namu. ði lukki
kúrëy yoobbol sah faf.

Gétë' feeda bëewë në suu meey ra,
ȳaal kowa ladte lúumí nem won ti
jéríd, yulidte waal sabboo, kaa'te wah,
ndaa loona tíkú rëe, siba típëh ní beni.

Boffa olsohte yaa níi won dí tih : « Yaa
kowa ! Kolee kat fu wayaŋ woteh. Kot
mínéh kaa' kúŋ, kaa' sílíl. »

Baa Ngol Sek



Feloh na wulla' aƒi


Iti fa : Ɓëyí maañci fel, fela mín ríi kom kofeel.

Húmú laha' kèkëyí níirë' i pe'. Ɖi níid níi lakoh dúuffë deefa ɗi wulohte níirëh yí kayya raa, homa' homoo níi ɗi ɗaañjee, foge, wone tih : « Ɛyí déey ! Gúm fë abeh, ee ñam pe' ya ra. »
Hen ɗaa raa, níirëh yë béeɓ məkë ac sëmlë'í. Wa lah ɗii na raa na ëlìh yin. Ɖi an waa yene.

Ɖi na paŋ yaa níi lahte bis, ɗi na níid níi sampee wuloh níirëh yí kayya, dúufí gaante hompe hanndal ki wa.

I gúmú caak púlúuté pe' yi na. Ɖi hampe foŋ a ɗaañjoh : « Ɛyí déey ! Gúmú yë ee ñamu pe' yi so' ra. »

Di hampe fonj a daañjoh, níirèh yí
kayya habuu biti di paŋ pagaddee ke ri
merees, ndeke dī won kaah. Ow èe ow
ayay sèmlè'í níi gúmú yè ñamute pe' yi
béeb. Yii baa daa tah bëewë na wonu
tih : « Feloh na wulla' afi. »



Yak pún pún ay míllée túfí

Iti fa : Fu pay ní rëe fay míllée tígë dék
fú rë.

Këkëy húmú gina kíilë damoh damoo
níi, wona' yii neba' ri. Lahte bis, di
panke pagad ní bani boffa poo'uute.
Poo'uu bani boffa ra, nijaayi acce goneel
a boffi, kaa' biti boffa lík rí faam fa,
ndaa ri wooñja'te ní boffa míllë'té ríi
lík faam fa. Nijaayi wonte ri biti di ac
faami, di kaa'te, saañce faam kooji.
Laha' ri dín fë, otte biti pesin faam boffi
daa gisa' pes faam ow kay ra, di nimilte
otte nijaayi, nijaaya payte, goneelte a
boffa antee rii kúdf, di wëegíssé faam
boffi.

Daa tah séréel won tih : « Yak pún pún
ay míllée túfí. »



Les proverbes

1- Waay' ndaje na gén ndaje.

2- Bëewë becee kot yínë rëe, lah becee kot yínë ti wa nen.

3- Tíleh waha na maaseeh luuyi pacooli.

4- Kot mínéh kaa' kuŋ, kaa' sílíl.

5- Feloh na wulla' afi.

6- Yak pún pún ay míllée túfí.

Traduction des proverbes

1- La préparation d'une festivité peut réussir mieux que la festivité elle-même.

2- Si les gens dansent avec un pied, il faut danser avec un pied comme eux.

3- Un grand marcheur est toujours absent à l'enterrement de son beau-père.

4- Le pied ne peut pas refuser de se plier et de se déplier.

5- Un menteur peut se créer des soucis à lui-même.

6- Même si l'oiseau vole très loin, il finit toujours par retourner à son nid.

